

蘇州府志卷第三十一

古蹟

吳縣

泰伯城

魚城

越城

苦酒城

酒醋城

衛王城

儲城

馬城鹿城

石城

馬稅城

新郭

闔閭宮

館娃宮

南宮

姑蘇臺

郊臺

射臺

夏駕湖

百花洲

走狗塘

香水溪

越來溪

練瀆

明月灣

消夏灣

廢里

甬頭

死亭灣

蘇州府志

卷三十一

古蹟 目錄

一

毛公壇

墨佐君壇

胥屏亭

金昌亭

柳毅泉

蓮塘

雉塘

梁朝松

偃松

洗馬池

泮池

蘇學士景

吳女宮

般若臺

鬱林石

越公井

石幢

投龍潭

可盤灣

支遁庵

和豐樓

麗景樓

花月樓

中和樓

周將軍柏

韋白詩石

白公檜

長洲元和二縣

吳小城

伍子胥城

太公城

章祈城

舸城

後城堵城

居巢城

鴨城

麋湖城

櫺溪城

巫櫺城

酒城

干城

搖城

定錯城

鴻城

陽城

相城

蠡口

昇月館

泮池

臨頓

放生池

夷亭

雞陂

望市樓

齊雲樓

南城宮

吳宮

桃夏宮

射臺

長洲苑

華池

華林園
石龍

女墳湖

流盃亭

采蓮涇

錦帆涇

千隧

射瀆

交讓瀆

東坡桂

虎邱寺古杉

梁雙殿

虎邱寺玉蘭

虎邱山門古柏

半塘寺銀杏

蘇州府志

卷三十一

古蹟 目錄

二

崑山新陽二縣

婁城

東城

武城

金城

復城

度城

西鹿城

巴城

雒城

顏縣城

瓦浦城

信義廢縣

烏夜邨

乙未亭

常熟昭文二縣

常熟故城

南沙廢縣

海陽廢縣

石城

扈城

九里城

莫城

朗城

利城

支塘城

歸氏堡

石室

梧桐園

鹿園

言公井

雪井

七星檜

昭明讀書臺

丹井

吳江震澤二縣

麋湖西城

前宮

後宮
西宮

松江亭

垂虹亭

鱸鄉亭

睡龍灣

仙人洞

平望亭

蘇州府志

卷三十一

古蹟目錄

三

蘇州府志卷第三十一

古蹟

古人往矣遺蹟猶存每爲後人流連追想卽其蹟已湮沒不可考而存其名亦足資稽古者之助焉

吳縣

泰伯城

吳越春秋泰伯遭殷之末世衰中國侯王數用兵恐及於荆蠻起城周三里二百步外郭三百餘里在西北隅名曰故吳人民皆田其中寰宇記泰伯初適吳築城在平門外今無錫縣吳城是也西去無錫四十里平墟高三丈

魚城在吳縣西二十五里橫山下越來溪西

吳地記胥門西南二十里舊圖經云

養魚城續記云蓋吳王控越之地宜謂吳城謂之魚城誤也橫山之旁岡勢如城郭狀今猶隱隱然周必大南歸錄魚城在田間基厚而方其高三丈博倍之爲田百二十畝今屬練墟趙氏土極細故久不壞

蘇州府志

卷三十一

古蹟

一

越城在吳縣西南胥門外橫山下一云越王城又云勾踐城越

伐吳吳王在姑蘇越築此城以逼之城堞髣髴具在高者猶

丈餘濶亦三丈而幅員不甚廣史記正義吳東門解引吳俗

傳云子胥亡後越王從松江北開渠至橫山東北築城伐吳

卽此地也

盧志

苦酒城吳地記云魚城西南有故城長老云築以釀酒今俗人

呼爲苦酒城

酒醋城吳地記云在胥門西南三里

衛王城

盧志在吳縣界

儲城吳地記云在胥門南三里吳王儲糧處



馬城鹿城並在洞庭西山闔閭築以養馬參鹿

石城在靈巖山

越絕書闔閭所置美人離城也郡國志吳王離宮越獻西施於此盧志今在靈岩山新郭或曰

越王城亦在焉蓋此地吳越之所控守也

馬稅城在洞庭西山

震澤編馬稅爲梁左金吾將軍梁祚將屯軍於此成帝伐之積水陷城遺蹟猶存

新郭

詳見

闔閭宮越絕書云在高平里

館娃宮

楊雄方言吳人呼美女爲娃

在吳縣西三十里硯石山今靈巖寺卽

其地也山有琴臺

舊有偃松在其下甚奇今不存

石室

俗傳吳王囚范蠡處

俗云西施

洞硯池玩花池

或云硯池卽玩花池

玩月池

圖經續記三池雖旱不竭其中有水葵甚美

王井

一圓一八角相傳爲吳王避暑處

又有響屧廊亦曰鳴屐廊以榱梓藉

蘇州府志

卷三十一

古蹟

二

地而虛其下令西施與宮人行則有聲因名山半有石鼓卽

石射棚大者二十圍小者半之相傳石鼓鳴則有兵山前有

采香徑

范志采香徑在香山之旁小溪也吳王種香於香山使美人泛舟於溪以采香今自靈岩山望之一水直

如矢故俗又名箭涇互見水

皆吳宮遺蹟

南宮

盧志南宮鄉在吳縣界亦吳王離宮今小院領南尚有兩石門曰宛然相對正在斷浜盡處

姑蘇臺一名胥臺在橫山西北麓姑蘇山上

圖經在吳縣西三十里續記三十五

里一名

吳王夫差造

吳越春秋越王使木工三千餘人入山伐木一年作土思歸皆有怨望之心而

歌木客之吟一夜天生神木一雙大二十圍長五十尋陽爲文梓陰爲榱楠巧工施校制以規繩雕治圓轉刻削磨礪分

以丹青錯畫文章嬰以白璧鏤以黃金類龍蛇文采生光乃使大夫種獻於吳子胥諫不聽遂受而起姑蘇之臺三年聚

材五年乃成高見二百里行道之人道死巷哭不絕嗟嘻之聲民疲士苦人不聊生洞冥記吳王夫差築姑蘇之臺三年

乃成周旋詰屈橫亘五里崇飾土木殫耗人力官妓千人別
立春宵宮爲長夜之飲造千石酒鐘又作天池池中造青龍
舟舟中盛致妓樂日與西施爲嬉又於宮中作海或云闔閭
靈館館娃閣銅溝玉檻宮之楹榭皆珠玉飾之
所造吳越春秋闔閭既立夫差爲太子使太子屯兵守楚留
樂闔閭出入游臥秋冬治於城中春夏治於城外治姑蘇之
臺旦食鮑山畫游蘇臺射於鵝陂馳于游臺興樂石城走犬
長洲圖經續記據左氏傳云闔閭食不二味居不重席器不
雕鏤宮室不觀舟車不飾而吳越春秋言畫游蘇臺蓋此臺
始基於闔閭而及越入吳焚之還志越傳云秦皇東巡會稽
新作於夫差也云登姑蘇望五湖周子充南歸錄姑蘇前後兩臺相距半里
俗云拜郊臺爲城三重遺基儼然夫差與西施宴游之地前
有溪越勾踐由此攻吳號越來溪范致能云淳熙六年重九
與客登蘇臺山頂平正有均堂蘇石可列坐相傳爲吳故宮
間臺別館其前湖光接松陵獨見孤塔之尖少北點墨一螺
爲崑山其後西山競秀縈青叢碧與洞庭林屋相竇大約目
力踰百里具登高臨遠之勝今姑蘇驛臺
據郡城之西乃紹興間所創以存故事耳

蘇州府志

卷三十一

古蹟

三

郊臺在橫山東麓下臨石湖壇壝之形儼然相傳吳僭王時嘗
祀帝也

射臺圖經續記亦在橫山

夏駕湖在吳縣西城下吳王避暑遊於此故名

互見水

百花洲在胥盤二門之間

走狗塘在城西吳王游獵處也

香水溪在吳故宮中俗云西施浴處一云吳王宮人濯粧於此

又呼爲脂粉塘

互見水

越來溪在越城東南與石湖通相傳越侵吳自此入故名溪上

有越城橋

互見水

練瀆在太湖吳王開以練兵

互見水

明月灣在洞庭西山吳王玩月處

互見水

消暑灣在洞庭西山之址舊傳吳王避暑處

互見水

廐里在洞庭東山吳王牧馬處

角頭卽田里在洞庭西山漢田里先生所居史記正義太湖中

洞庭山西南中號角里村卽此

死亭灣吳郡志在閶門外七里朱買臣妻恥而自縊處也

互見水

毛公壇卽毛公福地在洞庭山中漢劉根得道處也根旣仙身

生緣毛人或見之故名毛公今有石壇在觀旁猶漢物

互見觀

墨佐君壇在縹緲峯北一里漢延平元年墨佐君於此求仙

蘇州府志 卷三十一 古蹟 四

胥屏亭圖經續記在吳縣界漢初有陸烈字伯元爲吳令豫章

都尉旣卒吳人思之迎其喪葬於胥屏亭子孫遂爲吳縣人

金昌亭在閶門

范志宋少帝景平二年廢爲營陽王幽於吳郡徐羨之等使邢安泰弑帝於金昌亭帝有勇力

不卽受制走出閶門追以門闕踣之此云走出閶門則亭尙在城中陸龜蒙又謂梁鴻墓在金昌亭下一里又似在城外恐在今城有少遷徙耳

柳毅泉圖經續記在太湖之濱雖大風撓之不濁雖旱不耗

范志

柳毅井在洞庭東山道側按小說載毅傳書事或以爲是岳之洞庭湖以其說有橋社故議者又以爲卽此洞庭山爾

蓮塘寰宇記在吳縣西十二里有田數畝生蓮花千葉華麗

盧襄

石湖志行春橋北水放漲而成谷有塍段居民植荷芰爲業夏四月花開如雲錦城中土民多得游焉

雉塘在練瀆西一里吳郡志晉瑯琊王彪二女姊號聖姊妹號

素姑聖姑兄治田姑往節之爲雉所驚因而禁絕自是西洞

庭無雉

元中記洞庭山舊無三斑謂蛇虎雉侯景亂後乃有虎蛇爲害

梁朝松在洞庭西山福源寺

偃松在太平山師子巖下自地掘起甚怪正中一幹聳拔如幢

延袤二畝號眠松張卽之書卧雲二字扁之宋范文正公讀

書處也

洗馬池在府學之南

泮池玲瓏石百幹黃楊公堂槐辛夷石楠龍頭檜蘼水檜鼎足

松雙桐並在府學

宋朱長文蘇學十題詩有序

蘇學昔有十題曰泮池玲瓏石百幹黃楊公堂槐辛夷石楠

蘇州府志

卷三十一

古蹟

五

龍頭檜蘼水檜鼎足松雙桐是也或云蘇子美命名然篇咏莫傳殆有其名而無其辭也予頃至學中訪所謂十題者其存有六而龍頭檜蘼水檜鼎足松雙桐亡矣蘇學故南園之地南園者錢元璩之所作也錢侯好治園林築地浚池植異木充其中未久歸於國朝百年承平之間萬物茂遂得完其生厥後割南園之巽隅以爲學舍遺址迄今猶有存者而建學之後繼有培植然閒有爲風霆之所偃拔卒隸之所摧毀甚可太息夫亡則亡矣其存者當爲之珍惜因取六物又益之以多幹柏並秀檜新杉泮山復爲十題題各有詩以傳來者庶幾觀是詩而愛其物勿剪勿伐則騶虞之仁行葦之厚見於學校之間矣豈止孔明廟柏攄少陵之幽憤太清仙檜發曼卿之奇藻好事博雅爲之嗣音元祐七年正月十有四

泮池

怪石鋪幽麓芳塘倚茂林冷光開玉鏡清影滌人心芹藻無傷性龜魚各就深泉源應不涸何必傳岩霖

玲瓏石

巨浪洗蒼玉一峯飛我前鑿開混沌竅窺見滄浪天洞敞延華月岩虛生翠烟幽軒相對久古意且翛然百幹黃楊

實幹多林美孤根一氣同春餘花澹薄雪裏葉青葱蕃衍非人力堅剛稟化工寸枝裁玉軫可助舜南風

公堂槐

五紀栽培後三春長育中靈根蟠故國密葉蔭儒宮患與般斤遠歌宜魯藻同先儒垂意遠期此出三公

辛夷

楚客曾留咏吳都獨擅奇風霆存老幹桃李避芳時名入文房夢功資妙手醫紫薇顏色好先占鳳凰池

石楠

昔年曾玩賞移自碧山遙古幹磨文石寒枝熨翠綃雖殊榎梓用終免雪霜彫來者宜珍護毋令困采樵

多幹柏

古柏列重門連枝若弟兄參天分直幹得地共靈根月照龍蛇影風摧鉄石痕鸞皇期可宿香葉向春繁

並秀檜

盤根幾百齡合幹倚冥冥偃蹇雙蚪聳聯翩兩蓋青紫鱗霜外躍紺葉雨餘馨左紐憑仙宇何如拱泮亭

新杉

弱植還生意凌冬見後凋尙低霑雨露更長拂雲霄庭月搖疎影檐風舞細條他年逢匠石寶構壯天朝

蘇州府志

卷三十一

古蹟

六

泮山

山形拱泮宮林壑意無窮自得千岩秀無虧九仞功光延東嶺月清轉碧潭風官冷真相稱婆娑一釣翁

美女宮越絕書云美女宮夫差所作土城周五百九十步勾踐

嘗進美女西施鄭旦居之

王志

般若臺在吳縣西二里晉穆侯何準捨宅建其東北有般若橋

今呼爲朱明寺橋

吳地記

鬱林石在婁門孫吳時鬱林太守陸績罷政歸官儉無裝舟輕

不能道海取石爲重世愛其廉號鬱林石

明吳寬廉石記

石之產於吳者奇形怪狀不可盡述良工采之好事者賞之君子則藐之於此有石焉頑然數尺重而不奇蠢而不怪盡山中皆是物也良工棄之好事者藐之君子則賞之豈徒賞

之又從而貴之敬之視其物殆與魯璜秦璧等非物也人也
蓋當漢末吳郡陸公績仕於孫氏爲鬱林太守相傳汎海歸
吳舟輕恐覆取巨石爲裝蓋其廉如此公家婁門之內臨頓
里之北石留民家至今猶存而埋沒土中僅露其背過者猶
能指而稱之曰此漢陸公鬱林石也然未有表識之者宏治
丙辰有司以其古物也且特異昇置察院之側作亭覆之名
曰廉石石始僻而通久湮而顯觀者閱然足蹟不絕惟昔南
中有貪泉焉飲之者見寶貨以兩手攫而懷之物之能移人
心如此今之廉石正與此戾自茲以往凡過而視之者其廉
士固欣然摩挲愛玩以益勵其操若夫貪者將俛首報顏趨
而過之有不動心而改行者尙得爲人類也乎

本朝李果移鬱林石記

漢末陸公績仕孫吳爲鬱林太守廉於官歸舟輕絕不可越
海取巨石鎮舟以還今郡學中廉石是也高數尺廣殺其三
之一而厚又殺其兩陸公吳郡人石舊在婁門臨頓里人以
公官呼鬱林石明宏治中有司昇置察院廨旁築亭以覆更
名廉石見吳寬廉石記 國朝裁去察院廨爲武弁官舍亭
亦久廢康熙四十八年郡守長沙陳公補建前守況公祠於
郡學移石樹之祠前況公在前明夙號爲廉吏也陳公典郡

蘇州府志

卷三十一

古蹟

七

剛毅而能慈愛尤以廉幹稱去官羈潤州日至不能謀朝夕
蓋遠師乎陸公而近法乎況公者其於茲石宜其肅焉加敬
不委諸衢路爲販夫牧豎所狎玩而必登自學宮表之賢守
之祠使學士大夫相顧而矜式太息而則效也余獨慨夫後
世吏道多雜歸舟載石當必有嗤之爲愚者其自爲計良厚
矣然不愚者之所載往往不踰時而厚亡而愚者之所載其
得留之千百年照耀於人世耳目間而無有窮期也愚耶智
耶當必有憮然興感者矣公在潤州余嘗謁公公屬余記此
石因書之康熙五十年七月十有三日李果記

越公井在治平寺前小岡上唐廣明元年修井記云隋開皇十

年越國公楊素築城穿此井其徑一丈有奇石欄如屏繕上

有刻字

石幢在郡城北數里唐徐浩書郡守陳師錫徙置府第鄉人夜

過河上多見鬼物乃請於州復置舊處其怪遂絕

王志

投龍潭在龜山下林屋紀遺云嘉定初民於山下採藻獲吳越王所投金龍玉簡簡以銀製長九寸篆文隱然皆以朱漆填

鈇題云太歲壬戌時宋建隆二年也

王志

可盤灣在洞庭山下洞庭記云吳王遊太湖從此度軍憂艱險難達益增瞻眺曰此亦可盤桓也故名

王志

支遁庵在南峯古號支硎山晉高僧支遁嘗居此剡山爲龕甚寬敞相傳有村婦生子於中庵頂遂中裂道林又嘗放鶴於此今有亭基道林喜養駿馬今有白馬礪云飲馬處也庵傍石上有馬足四云是道林飛步馬蹟也

盧志別見山門

和豐樓在樂橋之南舊名清風樓嘉熙四年郡守趙與憲展拓

蘇州府志

卷三十一

古蹟

八

其址重建前爲樓三間以臨街又爲複樓故更名和豐樓

麗景樓在樂橋南

花月樓在平匯坊淳熙中改創

中和樓在吉利橋西淳熙八年郡守鄭霖創

周將軍柏孫吳時周瑜所植在府城隍廟方丈前廟本爲瑜故宅高幾數尋其本去地三尺許拱圍僅三尺其上本拱圍倍之盤囷離奇難以名狀道士袁月渚繪圖一時俱有題咏

韋白詩石在郡齋

唐白居易吳郡詩石記

貞元初韋應物爲蘇州牧房孺復爲杭州牧皆豪人也韋嗜詩房嗜酒每與賓友一醉一咏其風流雅韻多播於吳中或目韋房爲詩酒仙時子始年十四五旅二郡以幼賤不得與

游宴尤覺其才調高而郡守尊以當時心言異日蘇杭苟獲一郡足矣及今自中書舍人閒領二州去年脫杭印今年佩蘇印既醉於彼又吟於此酣歌狂什亦往往在人口中則蘇杭之風景韋房之詩酒兼有之矣豈始願及此哉然二郡之物狀人情與曩時不異相去三十七年江山是而齒髮非又可嗟矣韋在此州歌詩甚多有郡中宴詩云兵衛森畫戟宴寢凝清香最爲警策今刻此篇於石傳貽將來因以余旬宴一章亦附於後雖雅俗不類各詠一時之志偶書石背且償其初心焉寶歷元年七月二十日

白公檜唐刺史白居易手植在州宅後池光亭前水中石林避暑錄政和初已槁瘁高不滿二丈後爲朱冲取獻京師死道中乃以他檜易之禁中初不知也互見公署

長洲元和二縣

吳小城卽子城

虞氏家記吳小城白門闔閭所作秦始皇時守宮吏燭燕窟失火燒宮而門樓尙存寰宇記闔

蘇州府志

卷三十一

古蹟

九

閭築小城都之今蘇州城也互見城池

歷漢唐宋皆以爲郡治元末張士誠據

爲太尉府及敗城夷圯畧盡明初獨存南門額垣上置官鼓

司更號鼓樓

盧志今譙樓西小石橋是子城泄水溝石上所刻隸書有唐乾符二年七月十四日建併勾當

料匠等姓名

嘉靖中巡按御史邱道隆毀之城四面舊皆水道所

謂錦帆涇也今多淤塞其東尙有故蹟稱爲濠股

伍子胥城

互見城池

太公城 章祈城並在縣東北

盧志章祈疑卽鷁鴻今二十二都

舸城在縣西北平門外

盧志疑卽柯城

後城 堵城

盧志疑卽堵城按今尹山鄉有堵城里

居巢城越絕書闔閭所遊城也

鴨城吳地記在吳縣東南二十五里匠門外吳王築以養鴨

東有稀巷又東二里有豆園又東二里有鷄陂皆闔閭置

麋湖城越絕書闔閭所置麋也

欖溪城越絕書闔閭所置船官也

巫欖城越絕書闔閭所置諸侯遠客離城也

酒城吳郡志在壇塘邊夫差祭子胥處臨祭勸酒故名城中有

石子一名陌城

圖經續記壇塘在吳縣東南三十五里大江邊夫差十二年既殺子胥投尸於江浮以鴟

夷革後悔之君臣臨江作塘創設祭奠百姓緣爲立廟

干城越絕書馬安溪上千城者越干王之城也

搖城越絕書吳王子居焉後越搖君居之稻田三百頃在邑東

蘇州府志

卷三十一

古蹟

十

南肥饒水產去縣五十里

互見村

定錯城越絕書漢劉賈築吳市西城名定錯城屬小城北到平

門丁將軍築治之

鴻城在婁門外故越王城也

陽城在長洲縣東北其左有陽城湖

相城在長洲縣東北五十里相傳子胥初築城時先於此相地

嘗土而城之下濕乃止其地因名

蠡口在齊門北又有蠡塘在婁門東相傳范蠡乘舟出五湖於

此遣人馳書招文種

王志別見鄉都門

昇月館在帶城橋東烏鵲館在烏鵲橋江楓館在渴烏巷吳國

三古館也又二館曰通波曰全吳舊傳館凡八全吳通波龍門臨頓烏鵲昇羽昇月昇平在宋尙存

許墅在郡西二十五里圖經云秦始皇求吳王劍白虎蹲於邱上遂西走二十五里而失劍不能得地裂爲池因名其地曰

虎嘯吳越時諱嘯因改云許墅

王志別見鄉都門

臨頓吳王時嘗逐東夷頓軍於此設宴餉之故名今呼臨頓里

其地猶有臨頓橋

王志別見坊巷

放生池在郡東城裏濠之陽紹興中以浮邱堂改創歲久池湮亭圯淳祐中始訪舊基建中立宸翰殿

夷亭前志引吳地記所載闔閭時事謬妄不足據今長洲東有

蘇州府志

卷三十一

古蹟

十一

僧坊號唯亭寺按續記云古館名也

雞陂在婁門外吳王養雞城也又名雞陂墟其東二里有葦園

亦闔閭置

王志

望市樓唐有之元微之寄白樂天詩云弄潮船更曾觀否望市樓還有會無注云望市蘇之勝地也

齊雲樓白樂天有齊雲樓晚望詩自注樓在蘇州

南城宮

見姑蘇臺盧志今長洲縣干將鄉

吳宮

甫里鄉名

在長洲苑東南五十里相傳爲吳王夫差別宮

唐陸龜蒙問吳宮詞

甫里之鄉曰吳宮在長洲苑東南五十里披圖籍不見其說詢故老不得其地其名存其迹滅悵然興懷古之思作問吳宮詞云彼吳之宮兮江之那涯複道盤兮當高且斜波搖疏

兮霧濛泊菡萏宿兮鴛鴦家鸞之簫兮蛟之瑟駢筠參差兮
界絲密宴曲房兮上初日日落星稀兮酣歌未畢越山叢叢
兮越溪疾美人劍雄兮相先後出火姑蘇兮沼長洲此宮之
麗人兮留乎不留霜氛重兮孤榜曉遠樹扶疏兮愁烟消渺
又恐秋烟兮問故基
又恐秋烟兮推白鳥

桃夏宮楚春申君所建

射臺二越絕書一在華池昌里一在安陽里

任昉述異記吳王射堂柱礎皆是伏

龜

長洲苑寰宇記在吳縣西南七十里

范志在太湖北岸

越絕書云闔閭

走犬長洲

寰宇記引越絕書云無錫湖通長洲多魚而清

三國時魏武帝對吳使徐

詳云孤願越橫江之津與將軍游姑蘇之上獵長洲之苑左

思賦云佩長洲之茂苑是也

盧志枚乘說吳王濞漢修治上林園守禽獸不如長洲之苑孟

蘇州府志

卷三十一

古蹟

十三

康云以江水洲為苑服虔以為吳苑韋昭以為長洲在吳東
王應麟云此廣陵之吳漢郡國志廣陵郡東陽縣有長洲澤
吳王濞太倉在此東陽今盱眙縣庾信賦云連茂苑於海陵
隋柳顧言奉和揚子江應教詩大江都會所長洲有舊名西
流控岷蜀東泛邇蓬瀛似又指大江為長洲揚帝賜諸葛穎
詩參翰長洲苑侍講肅成門大業初又詔秘書學士虞綽等
撰長洲玉鏡乃幸江都之時此廣陵之長洲也又聚書丙部
有長洲苑記吳郡顧東里撰江陵元帝所都豈江陵別有長

洲與

唐白居易詩

茂苑綺羅佳麗地女湖桃李艷陽時心奴已死胡容老後輩
風流是阿誰

孫逖

吳王初鼎峙羽獵逞雄才輦道闔門出軍容茂苑來山從列
陣轉江自遶村回劍騎緣汀入旌門隔嶼開合離分若電馳
逐隘成雷勝地虞人守歸舟漢女陪可憐夷漫處猶在洞庭
隈山靜吟猿父城空應雉媒戎行委喬木馬蹟盡黃埃攬涕
問遺老繁華安在哉

華池吳越春秋在平昌里華林園在華林里

盧志即長洲縣華林鄉

石龍

在龍壇里

盧志在烏鵲橋東

皆闔閭作

女墳湖在吳縣西北吳王葬女處

互見冢墓

流盃亭在女墳湖西百五十步闔閭三月三日泛舟游之

采蓮涇在城西南相傳吳王使美人采蓮於此

明高啟咏采蓮涇

青房戢多子采得儂心喜今夜水風涼君王宿船裏行處綠雲迷歌聲一道齊回頭調越女何似若邪溪

錦帆涇卽子城濠也世言吳王於此錦帆以游

見子城

明高啟咏錦帆涇

水遶荒城柳半枯錦帆去後故宮燕窮奢畢竟輸漁父長保秋風一幅蒲

干隧在吳縣西北

戰國策越王以散卒三千擒夫差於干隧史記正義云在萬安山西南一里干隧互見山

蘇州府志

卷三十一

古蹟

三

射瀆世傳秦始皇嘗射於此在楓橋北十里

互見水

交讓瀆在子城北

互見水

東城桂

唐白居易詩并序

蘇之東城吳都城也今爲樵牧之場有桂一株生乎城下惜其不得地賦三絕句以唁之

子墮本從天竺寺根盤今在闔閭城當時應逐南風落向人間取次生

霜雪壓多雖不死荆榛長疾欲相埋長憂落在樵夫手賣作

蘇州一束柴

遙知天上桂花孤試問嫦娥更要無月宮幸有閒田地何不中央種兩株

虎邱寺古杉吳郡志在殿前相傳爲晉王珣所植唐末猶在形

狀甚怪不可圖畫

梁雙殿吳郡志在虎邱寺大殿前二小殿相對最爲古蹟淳熙中有僧庸凡而好脩造始盡毀之好事者至今以爲恨

虎邱寺玉蘭相傳宋南渡後自閩移植明天啟初爲大風所摧今孫枝復高三尋矣

虎邱山門古柏共六株相傳明初開平王常遇春手植

本朝金義植常將軍古柏行
昔傳嵩陽之古柏漢皇東狩封將軍二千年來三鼎峙誰其
植者空無聞物以人傳欽手澤虎邱今見前明蹟六株離立
數畝蔭參差黛色將軍柏將軍神武不可當拔身泥滓從龍
翔功在明史佐命次諡曰忠武開平王塵埋折戟平江路荒
林月黑啼孤兔當年手植紀戰勲滿目興亡泣老樹樹色沈
冥風雨多儼若劍槩聲相摩陣雲滅沒山鬼嘯荒磷隱見青
銅柯我因訪古登層臺披襟彷彿英風來蚪枝佶屈倚霄漢
燕頤虎頭安在哉

蘇州府志

卷三十一

古蹟

古

半塘寺銀杏相傳晉道生所植半塘志本五大園藤繞脩條鱗
次鬣張宛如龍甲夏時穠蔭可庇十乘謂之龍樹明萬厯初
太倉王伯詡置闌楯焉

崑山新陽二縣

婁城在縣東秦置縣屬會稽郡漢因之孫權初封張昭於此尋
又封陸遜爲婁侯晉宋齊皆爲婁縣後廢唐天寶十載始
自今松江府界移崑山縣治此吳郡志今崑山

東城圖經云縣故育城在縣治東三百步吳郡志今猶謂之東
城頭近歲耕者於東寺後多得古城磚及銅箭鏃方輿紀
要云和志謂其城吳書夢所築疑
卽指此蓋闔閭所起以候越者

武城在縣西北漢書地理志婁縣有南武城闔閭所起以候越
越絕書云婁北武城去縣三十里今爲鄉